



შპს - შავი ზღვის საერთაშორისო უნივერსიტეტი
ხარისხის მართვის სისტემის დოკუმენტაცია

ეთიკის კოდექსი

დამტკიცებულია მმართველი საბჭოს მიერ 05/05/2016წ. - გადაწყვეტილება №3 (დანართი №1)

დამტკიცებულია

ქვემოთ მოცემული ხელმოწერები ადასტურებს, რომ აღნიშნული დოკუმენტი წაკითხული და მიღებულია.

ხელმოწერის ავტორები ადასტურებენ, რომ ისინი ნამდვილად ფლობენ წინამდებარე დოკუმენტში არსებულ ინფორმაციას და უზრუნველყოფენ მასში ასახული პირობების განხორციელებას.

მოამზადა:	იურიდიული სამსახური	
შეამოწმა:	ხარისხის მთლიანი მართვის საბჭო	
დაამტკიცა:	მმართველი საბჭო	

დოკუმენტის No: IBSU.R2G

ვერსია: 4.00

განახლების თარიღი:

დამტკიცების თარიღი:

05/05/2016

შეუმოწმებელი ვერსია

შემოწმებული ვერსია

შპს-ს კუთვნილი დოკუმენტაცია.

წინამდებარე დოკუმენტით სარგებლობამდე, დარწმუნდით, რომ აღნიშნულ დოკუმენტს აქვს საბოლოო განახლების ნომერი.

ცვლილების შეტანის სურვილის შემთხვევაში, ხარისხის მართვის საბჭოს წარუდგინეთ დოკუმენტის ცვლილების მოთხოვნის ფორმა.

შინაარსი

შეტანილი ცვლილებები	3
ცვლილებების ნუსხა	4
მუხლი 1. საგანი და მოქმედების სფერო	5
მუხლი 2. პერსონალი	5
მუხლი 3. სტუდენტი	6
მუხლი 4. დასკვნითი დებულებები	6
მუხლი 5. ძალაში შესვლა	6
მუხლი 6. ზედამხედველობა	7

შეტანილი ცვლილებები

#	გადაწყვეტილების მიმღები ორგანო	გადაწყვეტილების №	თარიღი
1.			

თავდაპირველი რედაქცია: 05.05.2016

ცვლილებების ნუსხა

#	თარიღი	მუხლი	შენიშვნა
01			

მუხლი 1. საგანი და მოქმედების სფერო

- 1.1 წინამდებარე დოკუმენტი განსაზღვრავს შპს - შავი ზღვის საერთაშორისო უნივერსიტეტში (შემდგომში „შხსუ“) აკადემიური და ადმინისტრაციული პერსონალის, მოწვეული ლექტორებისა და მასწავლებლების (შემდგომში „პერსონალი“), აგრეთვე სტუდენტებისა და მესამე პირების ქცევის ეთიკურ ნორმებს.
- 1.2 პერსონალი, სტუდენტები და მესამე პირები ვალდებული არიან დაიცვან წინამდებარე წესები. აღნიშნული წესების დარღვევა გამოიწვევს დისციპლინარული წარმოების დაწყებას „თანამშრომელთა დისციპლინური პასუხისმგებლობის მარეგულირებელი წესის“ - R06 და „სტუდენტთა დისციპლინური პასუხისმგებლობის მარეგულირებელი წესის“ – R07 შესაბამისად.

მუხლი 2. პერსონალი

- 2.1 სასწავლო პროცესი:
 - 2.1.1 სასწავლო პროცესის წარმართვა უნდა ხორციელდებოდეს შხსუ-ს მიერ დამტკიცებული სასწავლო პროგრამის შესაბამისად;
 - 2.1.2 სალექციო თემატიკა, სტუქტურა და სწავლების მეთოდოლოგია უნდა განაზღვდეს პერიოდულად.
- 2.2 სტუდენტებთან ურთიერთობა:
 - 2.2.1 ლექციაზე ლექტორი უნდა შევიდეს დროულად, მომზადებული და ორგანიზებული. არ უნდა დაუშვას ლექციის დროზე ადრე დამთავრება, აგრეთვე საპატიო მიზეზის გარეშე გაცდენა;
 - 2.2.2 ლექტორმა სტუდენტები უნდა შეაფასოს ობიექტურად, უზრუნველყოს შეფასების გამჭვირვალობა, არ დაუშვას სტუდენტთა დისკრიმინაცია.
- 2.3 კოლეგებთან და ადმინისტრაციასთან ურთიერთობა:
 - 2.3.1 პერსონალმა პატივი უნდა სცეს კოლეგებს. კოლეგის კრიტიკა უნდა იყოს კონსტრუქციული. დაუშვებელია კოლეგის დამცირება, შეუცხყოფა, ან ანონიმურად დადანაშაულება;
 - 2.3.2 პერსონალს შესაძლებელია მოთხოვოს შხსუ-ს შესაბამის სოციალურ და სამეცნიერო ღონისძიებებში მონაწილეობის მიღება;
 - 2.3.3 შხსუ-ს სახელით ნებისმიერი სახის კომუნიკაცია პრესასთან ან მასმედიის სხვა საშუალებებთან წინასწარ უნდა იყოს შეთანხმებული შხსუ-ს უფლებამოსილ პირთან.
- 2.4 შხსუ-ში მუშაობის პერიოდში, სამუშაო დროს და მის გარეთ პერსონალი უნდა უფრთხილდებოდეს შხსუ-ს სახელს და საქმიან რეპუტაციას.

- 2.5 შხსუ-სთან შრომითი ურთიერთობის შეწყვეტის შემთხვევაში, პერსონალი ვალდებულია შხსუ-ს უფლებამოსილ პირს გადასცეს შხსუ-ს თან დაკავშირებული ყველა იმ საინფორმაციო პლატფორმის (სოციალური ქსელი, მონაცემთა ბაზა, კორპორატიული ელ.ფოსტა და ა.შ) მომხმარებლის სახელი, პაროლი/გასაღები და სხვა, რომელზეც მას წვდომა ჰქონდა შხსუ-ში მუშაობის პერიოდში.
- 2.6 ქმედებები, რომლებიც შესაძლოა გახდეს თანამშრომელთა დისციპლინარული პასუხისმგებლობის საფუძველი, აგრეთვე შესატყვისი დისციპლინარული ზომები და დისციპლინარული პასუხისმგებლობის დაკისრების პროცედურა გაწერილია „თანამშრომელთა დისციპლინური პასუხისმგებლობის მარეგულირებელი წესში“ – R06.

მუხლი 3. სტუდენტი

- 3.1 სტუდენტი ვალდებულია პატივი სცეს უნივერსიტეტის სახელსა და საქმიან რეპუტაციას, როგორც უნივერსიტეტში, ასევე მის ფარგლებს გარეთ. სტუდენტმა უნდა დაიცვას ეთიკის კოდექსის და შხსუ-სთან დადებული ხელშეკრულების პირობები.
- 3.2 სტუდენტის სტატუსის შეწყვეტის შემთხვევაში, სტუდენტი ვალდებულია შხსუ-ს უფლებამოსილ პირს გადასცეს შხსუ-ს თან დაკავშირებული ყველა იმ საინფორმაციო პლატფორმის (სოციალური ქსელი, სტუდენტური ელ.ფოსტა და ა.შ) მომხმარებლის სახელი, პაროლი/გასაღები და სხვა, რომელზეც მას წვდომა ჰქონდა შხსუ-ში სწავლის პერიოდში.
- 3.3 ქმედებები, რომლებიც შესაძლოა გახდეს სტუდენტთა დისციპლინარული პასუხისმგებლობის საფუძველი, აგრეთვე შესატყვისი დისციპლინარული ზომები და დისციპლინარული პასუხისმგებლობის დაკისრების პროცედურა გაწერილია „სტუდენტთა დისციპლინური პასუხისმგებლობის მარეგულირებელი წესში“ - R07.

მუხლი 4. დასკვნითი დებულებები

- 4.1 საკითხები, რომელიც არ არის მოწესრიგებული წინამდებარე კოდექსით, რეგულირდება საქართველოს კანონმდებლობითა და შხსუ-ს დებულებებით.
- 4.2 წინამდებარე დოკუმენტში ნებისმიერი სახის ცვლილება ან დამატება შედის მმართველი საბჭოს გადაწყვეტილებით.

მუხლი 5. ძალაში შესვლა

- 5.1 წინამდებარე კოდექსი ძალაში შედის მმართველი საბჭოს მიერ დამტკიცებისთანავე.

მუხლი 6. ზედამხედველობა

- 6.1 წინამდებარე კოდექსის შესრულებაზე ზედამხედველობა განხორციელდება რექტორის მიერ.

უნივერსიტეტის წესების შეუსრულებლობა დაუშვებელია. ყველა ვალდებულია იცნობდეს შხსუ-ს მიერ შემუშავებულ წესებსა და რეგულაციებს.

შხსუ ყველას თანაბარ შესაძლებლობებს სთავაზობს, განურჩევლად სქესის, რასის, ეროვნების, წარმომავლობის, რწმენის, საზოგადოებრივი სტატუსის, ფიზიკური, გონებრივი, ემოციური სხვაობისა და სწავლის განსხვავებული უნარისა.

გამოსცა:

შხს - შავი ზღვის საერთაშორისო უნივერსიტეტი

დავით აღმაშენებლის ხეივანი, 13 კმ., 2, 0131

თბილისი, საქართველო

www.ibsu.edu.ge

contact@ibsu.edu.ge

